



Inatsisartuni Ilaasortaq Karl Lyberth
Maani

Aalisarnermut suliniaqatigiiffiup AP-p Aalisarneq pillugu Siunnersuisartoqatigi-inni aamma aalisarnermut tunngassuteqartuni apeqqutitut tusarniaavigineqartartunut ilaatinneqalernissaa pillugu Naalakkersuisunut apeqqummut akissut

12. juli 2010
Sagsnr. 2010-033790
Dok. Nr. 416171

Postboks 269
3900 Nuuk
Tlf. (+299) 34 50 00
Fax (+299) 32 47 04
E-mail: apnn@nanoq.gl
www.nanoq.gl

Suliassaqarfiup akisussaaffigisama ulloq 24. juni 2010-mi apeqquteqaatit tiguaa.

Aalisarnermut suliniaqatigiiffik AP patsisit suut tunngavigalugit Aalisarneq pillugu Siunnersuisoqatigiinni ilaortaatinneqanngila? Suliniaqatigiiffik pineqartoq suut tunngavigalugit apeqqutini aalisarnermut tunngassuteqartuni tusarniaavigineqarneq ajorpa? Naalakkersuisut AP-ip Aalisarnermut Siunnersuisoqatigiinni ilaasortanngortinnissaanut pilersaaruteqarpat? Si-unissami AP tusarniaavigineqartalissava?

Peqatigiiffik pineqartoq taanna pillugu Inatsisartuni Ilaasortap Aleqa Hammondip apeqqutaa tassunga assingulluinnarmat taanna pillugu akissutigita innersuusutigissavara.

Inussiarnersumik inuulluaqqusillunga

Ane Hansen



SIUMUT INATSISARTUNI ILAASORTAAQ / LANDSTINGSMEDLEM

24. juni 2010

Inatsisartut suleriaasianni § 36 imm. 1 naapertorlugu Naalackersuisunut apeqqutit imaattut matumuuna saqqummiuppara:

Naalackersuisunut apeqqut:

Aalisarnermut suliniaqatigiiffik AP patsisit suut tunngavigalugit Aalisarnermut Siunnersuisoqatigiinni ilaasortaatinneqanngila?

Suliniaqatigiiffik pineqartoq suut tunngavigalugit apeqqutini aalisarnermut tunngassuteqartuni tusarniaavigineqarneq ajorpa?

Naalackersuisut AP-ip Aalisarnermut Siunnersuisoqatigiinni ilaasortanngortinnissaanut pilersaaruteqarpaa? Aamma AP tusarniaavigineqartalerniarpaa?

Tunngavilersuut:

Aalisarnermut suliniaqatigiiffimmi AP-mi ilaasortaapput avataasiarluni aalisartut 75 procentii kiisalu sinerissap qanittuani aalisartut 33 procentiisa missaat pisassinneqartartut.

AP-ip ilaasortaasa amerlassusiat qiviraanni pissusissamisoorluinnarpoq Aalisarnermut Siunnersuisoqatigiinni ilaasortaanissaa, taamaammat assut paasiuminaappoq suna imaluunniit suut tunngavigalugit suliniaqatigiiffik pineqartoq Aalisarnermut Siunnersuisoqatigiinni ilaasortaatitaannginnera.

Aamma taamatuttaaq paasiuminaatsigivoq aalisarnermut suliniaqatigiiffik aalisaartunik taamatut amerlatigisunik ilaasortalik apeqqutini aalisarnermut tunngassuteqartuni tusarniaavigineqartannginnera.

Suliniaqatigiiffiup aalisartunik amerlanerpaanik ilaasortaaffigineqartup apeqqutini aalisarnermut tunngassuteqartuni tamatigut tusarniaavigineqartarnissaa pissusissamisoorluinnartutut oqaatigisariaqarpoq.

Naggataatigut oqaatigissavara uanga nammineerlunga AP aamma KNAPK assigiimmik ataqineqartariaqartutut isigigakkit, tamarmimmi aalisartunut nunatsinniittunut ilungersorlutik suliniuteqartuupput aalisartut pitsaanerpaamik atugaqarnissaat siunertaralugu.

Karl Lyberth

Siumut